

S **Afl. 1.25** LO

BRIYANDO FUERTE • TRECIENDO CLARIDAD
DIARAZON 5 MAART 2025

Di Pueblo

**PROME MINISTER TAWATA
ORADOR INVITA NA E
'INTERNATIONAL SOCIETY
OF BARRISTERS' (ISOB)**



WWW.SOLODIPUEBLO.COM



SOLODIPUEBLO@GMAIL.COM

**E PROME MIYONARIO
PA 2025 E GANADO DI
E RECORD JACKPOT DI
AFL. 4.350.000,- CU MINI
MEGA Y MEGA PLUS TA
CONOCI!**



**TSUNAMI A “BARI Y
MOP” DEN PREMIO:
SOCA KING FREDDY
RASTA A GANA
“ROADJAM 2025”**



**VARIOS DETENIDO
A REKERI
ATENCION MEDICO
NA WARDA DI
POLIS NA
SANTA CRUZ**

BAND OF THE YEAR

Stichting Musica ta anuncia e banda musical ganador “Band of the Year 2025”

Basa riba e criteria di Band of the Year cu Stichting Musica ta mantene, un cuerpo di hurado distribui riba e rutanan di Carnaval a evalua cua ta e banda cu a contribui mas durante Carnaval 71.

E criteria ta lo siguiente:

- E banda mester a participa na “Aruba Caiso & Soca Monarch su Soca Finals 2025” y/of den “Festival di Tumba 2025”
- E banda mester a participa entre e siguiente parada nan di Aruba su Carnaval 2025:
- Parada di Luz na San Nicolas
- Lighting Parade Oranjestad

- Parada di Jouvert Morning
- Parada Grandi di San Nicolas
- Grand Parade Oranjestad
- E banda cu miho animacion den parada nan
- E banda su zonido
- Presentacion di e banda su trailer den e paradanan
- E banda mester toca e Soca ganador di Aruba Caiso & Soca Monarch – Soca Finals 2025 “1 For Unity” of e Tumba ganador 2025 “Ban Cumi”.

Stichting Musica ta anuncia BAND OF THE YEAR 2025: GROOVE MASTERS

Groove Masters a destaca durante di e evaluacion di hurado y como Band of the Year ta gana e suma di Afl.5000,- como premio. Groove Masters a



destaca cu un bon calidad di sonido, tremendo animacion cu un repertorio di cancion nobo y clasico y cu un presentacion cu a impresiona nos comunidad en general.

E premio pa Band of the Year lo wordo entrega durante e Prize Award Event di Stichting Musica. U

n pabien ta bai di parti Stichting Musica pa tur banda musical cu a participa na Aruba Caiso & Soca Monarch su Soca Finals 2025 y tambe na e paradanan di Carnaval 71. Atentamente, Edwina Werleman President Stichting Musica

VARIOS DETENIDO A REKERI ATENCION MEDICO NA WARDA DI POLIS NA SANTA CRUZ



Diadomingo anochi a drenta informe di cu tin 3 detenido cu ta rekeri atencion medico pa diferente caso, mesora

a dirigi un ambulans pa atende esnan herida. Na yegada di e ambulans nan a revisa e detenidonan pero tur a ser atendi eynan

mes pa e paramediconan di ambulans mes y no tabata necesario pa ningun bay hospital.



E PROME MIYONARIO PA 2025 E GANADO DI E RECORD JACKPOT DI AFL. 4.350.000,- CU MINI MEGA Y MEGA PLUS TA CONOCI!

ORANJESTAD, Aruba – 4 di maart, 2025: Diabierna anochi 28 di februari tabata tin e sorteo miyonario tan espera di Mini Mega y Mega Plus cu e jackpot record di 4 miyon 350 mil florin. E numbernan ganado cu a sali e anochi ey ta: 05-11-29-30 y e Mega Ball: 03 y manera e resultado a wordo procesa a bin haya sa cu tin 1 solo ticket ganado cu a gana e jackpot completo di Mini Mega y Mega Plus di 4 miyon 350 mil florin y a wordo bendi na Mahuma Lottery & Snack.

Awe diamars 4 di maart, Aruba ta sera conoci cu e feliz miyonario di Aruba cu Lotto, e loteria di Aruba. E feliz ganado a presenta na oficina di Lotto na Paardenbaaistraat 10 pa asina cobra e premio grandi aki cu el a gana cumprando su numbernan vast.

Kingsley a conta cu el a ripiti su numbernan vast y e numbernan aki tabata e numbernan ganado pa e sorteo multi-miyonario di Mini Mega y Mega Plus.

E mesun anochi aki tambe Mini Mega a conoce 12 feliz ganado di e segundo premio. Cada ganado a gana Afl. 5.766,- y e ticketnan ganado a wordo bendi na e siguiente lugarnan: Key Lottery 2, Mabon Lottery & Snack, Mama Trida Lottery, Lucky Angel, J's Lottery, Lucky Dragon 2, Mega Jackpot Paradera, Mariella Lottery, Black Pussy, Cura Cabay Lottery, Sand-Rock Lottery - P.H. straat I y Lucky Mac.

Lotto, E Loteria di Aruba tin diferente wega, Catochi, Big 4, 1-OFF, Zodiac, Wega di Number di Korsou di Lotto, Lucky 3, Multi-X, Lotto di Dia, Lotto 5, Mini Mega y cu su Mega Plus y e diferente weganan di Raspa y Gana y Instacash. Cumprando Lotto bo ta contribui na deporte riba nos isla. E meta ta pa organisa loteria, cambia bida di su hungadonan y na mes momento inverti den deporte local pa medio di donacionnan na e comision di subsidio.



Ta duna Cruz di Shinishi na e siguiente orarionan y parokianan na Aruba 5 Maart 2025

Tanki Leendert

8:15 am pa scolnan
6:30pm

Noord

6:30am
11:00am na Ingles
6:30pm

Oranjestad

7:00am
8:00am liturgia di palabra y
partimento di shinishi pa scolnan.
7:00pm

Dakota

8:00am y 7:00pm

Paradera

6:00am y 7:00pm

Sta.Cruz

5:00am y 7:00pm

Brasil

8:00am y 6:30pm

Savaneta

5:00am misa na Savaneta
8:00am Scol Sagrado Curason di Hesus
10:00am Mari Stella
11:00am Capiya Pos Chikito:
scol y pueblo
7:00pm misa na Savaneta

San Nicolas

5:00am y 7:00pm

Diaranson di shinishi ta dia di AYUNO y ABSTINENCIA.
Tur persona entre 18 pa 60 aña y cu no tin problema serio di salud ta keda yama, segun su consenshi, pa e dia aki pa no come carni y haci abstinencia.



REUNION PUBLICO JAMA PA PPA CU SOSTEN DI FUTURO Y AVP A DUNA MUESTRA DI UN NIVEL HALTO DEN CUAL PARLAMENTO POR DEBATI

Mocion presenta pa Otmar Oduber di PPA a carga un sosten unanime di tur 4 fraccion



“Un reunion di nivel halto, al caso y cu un rol constructivo a tuma lugar awe den sala di Parlamento”, asina e lider di fraccion di PPA, Otmar Oduber, a duna di conoce na final di e tratamento den un reunion publico, di e susedido unda un hoben di apenas 19 aña a perde su bida den un confrontacion cu cuerpo policial. Oduber a accentua, dirigiendo su mes na e mayornan di Ayden sinta den publico, cu ta imposibel pa trece e hoben bek meimei di nos y serca di su sernan ker, pero cu definitivamente su mayornan por ta sigur cu su memoria a trece un Parlamento hunto pa asina evita cu e susedido tristo y dramatico aki por ripiti su mes.

E MOCION ENTREGA

Consideracionan:

- Recientemente un hoben di apenas 19 aña a perde su bida den un forma tragico lagando atras un yiu chikito y un famia inconsolable;
- Un susedido tragico asina no por ni maag presenta su mes un biaha mas;

- Pueblo di Aruba ta hopi conmovi di e tragedia aki y ta vocifera nan preocupacion y indignacion tocante tocante e proceduranan hiba den e caso aki;

- Cuerpo Policial di Aruba, cu mester mantene y salvaguardia orden publico pa medio diehecucion di leynan relevante, tambe a express nan lamenta pa cu e incidente tragico aki;

- Cuerpo Policial di Aruba, cu mester mantene y salvaguardia orden publico pa medio di ehecucion di leynan relevante, mester por sigi depende riba e confiansa di pueblo cunan t'ey pa mantene orden publico;

- Cuerpo Policial di Aruba y su sindicato kier mantene y salvaguardia orden publico pamedio di ehecucion di leynan relevante, a expresa di ta desea di tin suficienteinstrumento pa ehecucion di un maneho mas efectivo y transparente pa salvaguardiasiguridad di e ciudadano pero tambe di e agentenan policial;

- Un grupo grandi di nos pueblo ta haya cu tin un falta di transparencia di Ministerio Publico den e maneho

di investigacion di e reciente caso tragico;

Instruccionan na gobierno di Aruba:

- Pa dentro di un termino determina, entrega cu maximo prioridad e leynan necesario yega Parlamento di Aruba pa ehecuta un maneho cu ta inclui e.o. “body camera y dashboard camera” mas efectivo, transparente y sigur pa tanto e miembro di cuerpo policial como tambe e ciudadania, den mantencion di orden publico;

- Entrega prome cu tratamiento di presupuesto 2025, pero dentro di un tempo maximo di 1 luna na Parlamento un rapport cu tur e prioridadnan di nos cuerpo policial y un plan di alocacion di fondonan necesario pa inversion den training, sosten psicologico y materialnan necesario pa e miembronan di Cuerpo Policial pa nan por sinti mas prepara y sigur den ehecucion di nan funcion;

- Pa prepara un “plan van aanpak” pa atende a corto, medio y largo plazo cu e scarcedad halto cu ta existi caba pa mas di 20 anja, pa loke ta e “onderbezetting” den nos cuerpo policial;

- Pa a corto plazo pone na disposicion di cuerpo policial e.o. un sistema di sosten psicologico

na e personal di cuerpo policial por medio di entre otro psicologonan interno como tambe externo pa tanto session obligatorio como di iniciativa propio;

- Pa presenta dentro di 6 luna leynan necesario na parlamento pa haci “drugtest” unregularidad den e cuerpo di polis;

- Pa haci un estudio di e necesidadnan pa introduci un seguro (risico verzekering) y asina jama “gevaren premie” pa nos “surveillancediensten”;

- Pa percura pa un investigacion husto, transparente y imparcial tuma lugar unda comunidad por keda informa y convenci den e objetividad cu esaki ta tuma lugar y asina re-confirma e confianza cu comunidad mester tin den su sistema judicial;

Y ta pasa pa orden di dia

E mocion aki presenta pa

PPA a keda sosteni pa tur 4 fraccion den Parlamento y a worde aproba tambe unanimamente.

Señor Oduber a muestra su gratitud na miembronan di cada fraccion pa nan sosten brinda y tambe su satisfaccion pa tin un mocion aproba cu un contenido skerpi, al caso y cu varios proposicionan y instruccionan na gobierno cu e meta di contribui na trece solucionan structural.

Clasificados

SOLODIPUEBLO@GMAIL.COM
CEL. 585 9500

CU BISTA RIBA WEGANAN PANAMERICANO JUNIOR ASU2025

A reuni cu Aruba Aquatics Federation riba preseleccion y plan di entrenamiento



Cu apenas 6 luna faltando pa e evento mas importante di prome aña di e Ciclo Olimpico nobo LA2028, a reuni cu Aruba Aquatics Federation (AAF)

pa asina por mira e plan di entrenamiento y grupo di atletanan cu tin posibilidad di participacion. E grupo di atletanan Junior y Youth ta den pleno preparacion

pa asina bay e diferente eventonan clasificatorio cu tin pa finalmente concretisa e grupo cu lo logra participa na e Weganan Panamericano Junior ASU2025.

Aruba ta conta cu un grupo amplio di atletanan di nivel cu lo haci nan maximo esfuerzo pa clasifica pa e weganan ASU2025. Tin varios evento pa logra esaki, culminando cu e ultimo clasificatorio di



Panam Aquatics cu ta den luna di mei na Medellin, Colombia.

COA lo sigui e proceso aki

di cerca pa asina mira e desaroyo di e hobennan aki y ta desea nan tur hopi exito. #TEAMARU

CHAUFFEUR BURACHI A KEDA DETENI DESPUES DI A OCASIONA UN ACCIDENTE SEMI-FRONTAL



Diadomingo anochi a drenta informe di un accidente dilanti Tat Fat Bar & Restaurant den Weststraat, mesora a dirigi un patruya na e sitio. Na yegada di e patruya a bin compronde cu aki ta trata di un accidente unda cu un chauffeur bao influencia a bay banda robes di caminda dal semi-frontal riba trafico contrario. Afortunadamente ningun hende a resulta herida.

Polis a test e chauffeur cu a bay banda robes y esaki a resulta malo p'e y a keda deteni.

ATM na Blue Sports ta habri pa sirbi bo!


Nos ta invita tur cliente pa haci uzo di nos ATM na Blue Sports. E ATM aki ta ofrece servicionan manera, lanta placa, pidi saldo, transferencia di placa entre bo propio cuentanan y cambio di PIN.

www.bancodicaribe.com

BANCO DI CARIBE

Prome Minister Evelyn Wever-Croes: PROME MINISTER TAWATA ORADOR INVITA NA E 'INTERNATIONAL SOCIETY OF BARRISTERS' (ISOB)

“Tawata un honor grandi di por a representa Aruba na e ocasion aki”



Dialuna mainta 3 di maart a tuma luga na Ritz-Carlton e apertura di e conferencia di Internacional Society of Barristers (ISOB). Den cuadro di esaki Prome Minister Evelyn Wever-Croes a wordo invita pa duna e “Keynote opening speech”.

ISOB tin mas di 200

miembro di varios pais, desde Merca te New Zealand. Ta trata di personanan cu ta traha den area legal y ta na Aruba pa diferente reunion y pa celebra 60 aña di nan asocacion.

Den su discurso, Prome Minister a elabora extensamente riba varios



tema entre otro, turismo, economia, retonan den nos region y riba e sistema legal di Aruba cu ta uno stabiel y ta duna garantia mirando cu Aruba ta parti di Reino y esaki ta ofrece oportunidad grandi pa inversion.

“Mi ta gradici ISOB pa scoge nos dushi isla Aruba pa bin celebra nan 60 aniversario y mi ta spera cu e bunitesa, e calor y e hospitalidad di Aruba laga nan yena cu bunita recuerdo. Durante mi discurso, mi a elabora riba



e diferente aspectonan di interes bou e miembronan y nan a keda satisfecho y gradecido cu tur e informacion y a bin cu varios pregunta. Cu e conferencia aki, nos a trece

Aruba na un nivel mas halto y pa mi naturalmente tawata un honor grandi di por a representa Aruba na e ocasion aki”, Prome Minister a expresa.



UN COLEGA DEDICA Y CU MULTI- TALENTO PA SU TRABOU

Leonides Geerman ta HOH su empleado di luna di februari



Colega Leonides Geerman, asistent di dokter na poli di medicina interno, a hay'e straño cu diripente tabatin un cita y cu su manager mes a dune lift pa hunto nan bay. Manera semper pa tur ocasion, e departamento a decora pa dia di San Valentin, pero e biaha aki tras di su lomba a decora specialmente pe tambe. Asina cu ela pasa e decoracion di San Valentin y ela drenta e sala di reunion ela topa cu un

sala yen di colega, famia, especialista y miembro di Hunta di Directiva Jacco Vroegop cu e grito 'surprise'. Un 'shock' grandi pero bunita cu e no a spera y sigur cu nunca elo lubida.

Leonie ta un colega masha profesional cu no solamente ta yuda pashentnan pero tambe ta yuda e dokternan den diferente forma. E ta yuda nan cu traduccion, den



duna medicamento, ta maneha administracion y ta asisti na diferente actividad extra-curricular. Leonie ta un tremendo teamplayer cu ta traha cu tur hende sigurando cu e procesonan ta cana suave. E ta stima su trabou, tin comprension pe pashentnan percurando cu nan ta wordo scucha y contesta sea telefonicamente, via Whatsapp, email of na balie. Su manera di trata pashent ta duna nan confiansa. E no ta husga y ta crea un ambiente unda pashent y tambe


colega ta sinti nan mes sigur unda por expresa preocupacionnan na un manera trankil. Su accesibilidad y confiansa ta un 'yabi' esencial den e team.

Nada ta dimas pa Leonie. E ta un persona practico y eficiente, tin semper su tareanan cla den e tempo stipula y netjes regla. E ta traha duro y ta bay 'the extra mile' pa asegura cu su servicio di asistencia pa pashentnan y dokternan ta optimal. Ademas, Leonie ta un atleta talentoso cu ta duna un imagen saludabel

y positivo ne policlinica unda cu su estilo di bida deportivo ta contribui ne ambiente di energia y vitalidad na trabou.

Su motivacion y dedicacion ta un ehempel pa tur. Leonie merece e reconocimiento aki, paso sin dje, e policlinica no lo draai mesun eficiente. Hunta di Directiva, management y coleganan ta hopi contento y orguyoso di tin Leonie den team di HOH. Masha pabien cu e bunita titulo di empleado di luna di februari 2025!

10,000 MOTIBO PAKICO BUCUTI & TARA BEACH RESORT TA UN DI E TOP 25 MIHO HOTELNAN NA MUNDO SEGUN TRIPADVISOR



EAGLE BEACH, Aruba – Mar. 2, 2025 – Cu gratitud profundo na e mesun huespednan cu ta inspira nos dia tras dia, Bucuti & Tara Beach Resort orguyosamente ta celebrando un logro significativo—su 10,000 reviews di huesped riba Tripadvisor. E logro aki ta resalta e compromiso firme di e resort na duna un experiencia di vakantie romantico, carbono-neutral y sin igual, continuamente ganando reconocimiento di biaheronan mundial. Pa honra e logro aki, Bucuti & Tara a invita tur su huespednan kedando na e resort pa un brindis special di Champagne riba su beach amplio cual a tuma lugar diamars, 25 di Februari 2025.

E 10,000 opinion di Tripadvisor Riba 19 di Februari, Jackie B, un huesped recién for di Massachusetts, Merca, a manda e di 10,000 reseña di Tripadvisor pa Bucuti & Tara, marcando un logro importante. Su feedback briyante ta capta e esencia di e experiencia excepcional cu a duna Bucuti & Tara su titulo como Hotel No. 21 di Mundo—un reconocimiento cu ta wordo refleha constantemente den e 9,999 revisionan anterior. Dunando e resort un clasificacion maximo di cinco Bubbles, Jackie B a comparti: "Resort excepcional pa Parehanan: E miho resort riba Eagle Beach y na Aruba! Si bo ta buscando un vakantie pa relaha y bunita pa parehanan pa

re-energetisa bo mes, esaki ta ideal pa bo! Un resort exclusivo pa adulto cu personal y servicio excepcional. Cuido cu atencion exclusivo na tur detaye y manteni na nivel perfecto. Un berdadero hoya, cual ta bal cada cen!"

Un brindis di gratitud riba Eagle Beach cu huespednan di Bucuti & Tara

Riba diamars, 25 di Februari, Bucuti & Tara a uni cu su huespednan pa un brindis di gratitud, expresando su aprecio profundo na nan y na e miles di huespednan rond di mundo cu a comparti nan experiencianan di vakantie excepcional di e resort.

"Logra 10,000 reseña y mantene un status di cinco Bubbles ta un prueba increibel di e confiansa y lealtad di nos huespednan di Bucuti & Tara Beach Resort," Crescenzia Biemans, Chief Corporate Officer di Bucuti & Tara Beach Resort, Aruba ta bisa. "Cada opinion ta muestra e dedicacion di nos asociadonan di Bucuti pa duna un servicio excelente, creando un experiencia di vakantie inolvidabel y sostenibel, caminda nos huespednan ta crea recuerdonan cu nan lo corda ful nan bida."

Aprecio global pa e referencia di hospitalidad excelente di Aruba Tripadvisor, e plataforma di guia di biahe mas grandi di mundo, ta hunga un rol esencial

den planificacion di vakantie, permitiendo huespednan pa comparti experiencianan autentico y ta duna un bista balioso pa futuro biaheronan. Pa mas di 20 año, Bucuti & Tara a keda un lidernan den satisfaccion di huesped, manera ta keda demostra den su coleccion distingui di premionan anual di Tripadvisor:

- Top 25 Miho Hotelnan den Mundo
 - Top 3 Hotelnan den Caribe
 - Hotel No. 1 den Aruba (pa mas di 20 año)
 - Hotel No. 1 den Aruba pa honeymoon
 - Hotel No. 1 pa Romantico den Caribe (pa mas di 16 año)
 - Top 25 Hotelnan pa Romantico den Mundo
 - Top 10 Restaurant di Fine Dining den Caribe
 - Restaurant No. 2 den Mundo pa Date Night
 - GreenLeader Platinum Certification pa su esfuersonan liderazgo den sostenibilidad
- E resort exclusivo pa adulto, un refugio romantico, ta sigui gana premionan año tras año den diferente categoria di Travelers' Choice Best of the Best di Tripadvisor, manteniendo su reputacion sobresaliente y coleccion di reconocimentonan mundial.

Un toke personal pa cada vakantie

y honeymoon na Bucuti & Tara Propietario/CEO Ewald Biemans y su nieta Crescenzia Biemans ta comparti un herencia di decada cu nan team cu ta responde personalmente y detayadamente na cada opinion riba Tripadvisor y otro plataforma di revision. Nan ta compromete na forma relacionnan duradero cu huespednan door di interaccion cu nan durante nan estadia y mantene e comunicacion despues di nan salida.

E dialogo continuo aki ta esencial y ta duna e oportunidad pa sigui mehora y eleva e servicio firme di e resort, cu ta reconoci internacionalmente, garantizando cu cada experiencia di huesped ta un momento inolvidabel y transformativo. E feedback valioso aki recientemente a contribui na revitalisa e famoso restaurant Elements y expande su programa di bienestar cu e adicon di un dek di yoga rondona den naturalesa. Como e prome y unico hotel carbono-neutral den Caribe, huespednan ta resalta den nan opinionnan con Bucuti & Tara ta logra e balans perfecto entre luho relajacion y sostenibilidad, asina permitinan disfruta un vakantie inolvidabel y responsabel.

Pa haya sa mas bishita www.bucuti.com.

Clasificados

SOLODIPUEBLO@GMAIL.COM
CEL. 585 9500

TSUNAMI A “BARI Y MOP” DEN PREMIO: SOCA KING FREDDY RASTA A GANA “ROADJAM 2025”



E cancion “1 for Unity” composita pa Jeon y Freddy Rasta y aregla pa Rygel Isabella pero canta pa Freddy Rasta, no solamente a gana e premio maximo den Soca Monarch pero awe tambe confirma cu pueblo a acept’e y a biba cu ne den e paradanan. Consecuentemente, e medionan di comunicacion a honr’e cu e reconocimiento di “Roadjam 2025”. “1 for Unity” a gana e curason di comunidad di Aruba danki na e mensahe di union y positivismo.

E medionan cu a honra Freddy Rasta y e banda Tsunami cu e premio aki tabata Radio Top 95 FM, Canal 22, boletinextra.com, corant Solo di Pueblo, MAS FM, masnoticia.com, 24ora.com, corant TREMPAN, Enfoke, Telearuba, Ivo 4 Live, Zayon on the air, Chando Colina, Power FM, Galactica y “Coolest Carnival Track” na Cool FM. Nan tur, via nan mesun plataforma of a base di encuestanan interactivo a conclui cu e pueblo a sostene “1 for unity” como esun preferi pa e temporada aki.

Tocante “Roadjam”

Na 1987 Roberto Geerman hunto cu algun otro DJ mas di Canal 90 FM a crea e famoso number “Roadjam” di Carnaval. Por corda cu na 1987 tabata un año hopi exitoso pa cu musica den carnaval. Un cancion cu a resalta ariba caya tabata “Theolinda” canta pa Mighty Rusty cu e banda “Boys Next Door”. Na final di e parada di Carnaval 33, na año 1987, Roberto Geerman hunto cu e otro locutornan di Canal 90 FM den nan entusiasmo tabata anuncia “Roadjam, Roadjam” y a declara “Theolinda” como e Roadjam di Carnaval, un premio of number cu nunca tabata existi. Te cu awe ainda ta papia di “Roadjam”.



Tocante Freddy Rasta

Malaghy “Freddy” Richardson, miho conoci artisticamente como “Freddy Rasta” no ta un desconoci den e mundo farandulero. Desde año 2012 e ta participando den e festival di caiso y soca, pero a dur’e 13 año pa por a conquista e corona. Mester menciona si cu el a yega di sali na di tres lugha na año 2018. Den su di tres participacion cu e banda Tsunami, el a logra sobresali riba tur otro y asina a domina e temporada di carnaval.

Tocante Tsunami Aruba

A funda e banda dia 2 di januari di año 2004. Tsunami ta un di e gruponan mas grandi y conoci na Aruba. E combinacion unico cu influencia latino, caribense y local combina cu e enfoke riba e instrumentonan en bibo a impulsa Tsunami na e nivelnan mas halto di exito. No ta un secreto cu e brassband popular D2U365 a duna luz na un banda hopi prometedor: Tsunami.

E concepto di Tsunami a tuma mas o menos dos año pa cristalisa. Algun di e personanan clave den brassband tabata ansioso pa haci un cambio den e musica cu nan



tabata haci caba. Nan a cuminsa busca diferente alternativa y influencia cu lo a mescla den un estilo unico cu nunca antes Aruba a mira ni tende.

E meta principal tabata pa crea un banda cu lo a mira, zona y basicamente haci tur cos den un forma cu nunca antes a haci na Aruba. Tsunami ta un number cu ta representa puresa di awa y forsa y ademas e energia di ola. Tsunami su musica y actuacion ta puro mirando cu ta hacie for di curason, e forsa y energia cu nan ta pone den cada actuacion ta contagioso pues wak caya!



KEEPER DI SV BRITANNIA ZIYON CROES A FIRMA NA MERCA



Hungador di SV Britannia esta Ziyon Croes a bai Merca na Life University pa hasi un tryout y despues di algun dia na e universidad mes ora nan a wak e talento den nos hungadornan y mes ora kier a papia cu Ziyon Croes.

No a pasa algun dia cu Life University Men's Soccer ta yama keeper Ziyon Croes cu ta forma partdi di SV Britannia, seleccion di Aruba U-20 y di TDS pa firma un acuerdo despues di un siman exitoso di tryout. Life University



mes ora a post ariba nan plataforma social cu Ziyon Croes cu nan ta jame bon bini for di Caribe y for di e

isla Aruba y cu e lo forma parti di Life University entrante 2026.

Masha pabien Ziyon cu e logro grandi aki y sigur na SV Britannia y su coachnan cu for di chikito

a cuia Ziyon den tur e divisionan y ta cu awe cu e ta forma parti di U-20 y division Honor

CHAUFFEUR A REVERSE DAL UN OTRO AUTO DEN BANDA NA PONTON



Dialuna madruga a drenta informe di un accidente na Ponton, mesora a dirigi un patruya na e sitio. Na yegada di e patruya a bin compronde cu un chauffeur a bay reverse y a bay dal auto den banda. Polis a test e chauffeur y su test a muestra cu e ta net

riba e liña pa polis dune un prohibicion pa stuur pa algun ora. Polis a keda masha agradecido cu polis no a detene pero a pone cu pa algun ora e no mag di stuur. Polis a kita e yabi for di dje y a bis'e pasa na warda busca su yabi.



CHAUFFEUR DETENI DESPUES DI ACCIDENTE SANGER TABATA SALI FOR OREA, NANISHI Y BOCA



Diadomingo anochi influencia despues di cu polis a di droga y/ detene chauffeur bao of alcohol ora nan a hib'e warda di Balashi

DEN MADRUGA TA SUBI UN BALCON PA HORTA OF PA "STALK" UN MUHE?

Dialuna madruga a dreña informe di cu tin un persona sospechoso ta purba di subi un balcon di un apartamento na Tanki Leendert, mesora a dirigi un patruya na e adres indica unda un ciudadano ta mira un hende ta purba di subi na un balcon di un di e apartamentonan.

Na yegada di e patruya ya caba e individuo a bay for di e sitio caba, pero ela laga su telefon celular atras no ta conosi si esaki ta busca algo pa horta of tabata pa "stalk" un muhe.

Husga pa boso mes pakiko e individuo aki a subi na e balcon.



4 HOBEN DEN UN VITZ A SCAPA MILAGROSAMENTE NAN A KEDA PLACHA ENTRE 2 TRUCK DEN UN ACCIDENTE



Dialuna madrugada a drenta informe di un accidente pisa cu hende herida banda di Gold Coast, mesora a dirigi tanto polis como ambulans na e sitio.

Na yegada di e patruya nan no por a kere locual nan a mira ta trata aki di un accidente unda un Toyota Vitz cu 4 hoben aden

pasando algun truck y na un dado momento un otro truck a bay sali y e otro birando esaki a placha nan entre e trucknan. E hoben nan 2 a hay corta di e glas y e otro 2nan no a haya nada. Na yegada di e ambulans nan a atende e victimanan y a transporta nan pa hospital levemente herida.

HOMBER BASTA BURACHI A CAY KAP SU CABES BANDA DI CORAL PLAZA



Dialuna madrugada a drenta informe di cu tin un hende burachi banda di Coral Plaza, mesora a dirigi un patruya na e sitio. Ora polis a bay pa yud'e esaki a cay kap su cabes.

Polis a solicita presencia di un ambulans na e sitio. Na yegada di e ambulans nan a atende. E homber tabata hopi bao influencia cu polis mes mester a yud'e pa un hende hib'e su cas.




DEN PROBLEMA CU GANG UN PERSONA A RICIBI UN BOTER NA CABES NA E HOTZONE BANDA DI HOTELNAN



Diadomingo madruga a drenta informe di cu tin un persona cu a yega na un lugar na e hotzone banda di e hotelnan cu herida di un boter na cabes, mesora a bati alarma y a avisa polis y ambulans.

Na yegada di e patruya a bin compronde cu gang cu gang a bin regla cuenta. Na yegada di e ambulans a bin compronde cu e victima a bay caba for di e sitio.

POLIS A DETENE CHAUFFEUR BURACHI CU ORA A BIRA ELA BAHA CAMINDA BAY DAL CURA DI CAS



Dialuna mainta a drenta informe di un accidente na Consuelostraat, mesora a dirigi un patruya na e sitio. Na yegada di e patruya a bin compronde cu un chauffeur bao influencia na momento di bira pa drenta e caya ela baha caminda na man robes subi acera y a bay

dal e cura di cas kibra. Ora polis a test e chauffeur esaki tabata bao influencia y a detene.

HOTLINE

SOLO
Di Pueblo

744-0444

CAPT'E Y MAND'E



De Heer is mijn Herder!
'k Heb al wat mij lust:
Hij zal mij geleiden
naar grazige weiden;
Hij voert mij al zachtken
aan waat'ren der rust.

Cu dolor na nos curason, pero conforme cu boluntad di Dios nos ta anuncia
fayecimento di nos ser stima;



Sra. Glenda Diana Bareño
Mama, Welita, Ruman, Tanta, Tante, Akela

Anteriormente Bagheera en Akela Van Santanero Horde
Fundadora di prome Welpies y Bevers na Aruba
Anteriormente ADC Welpen y Bevers y
HKC Welpen y Bevers
Ex empleado y Pensionando di CMB
Ex President y co fundadora di Nos Cu Nos CMB
Co fundadora di Vakantie Plan CMB
Den pasado productora y Editora di Revista Noti Kibrahacha CMB
Fundadora y Lider di Grupo di Damas 50+ Palmita di Oro
Anteriormente miembro di comision Pa Nos Grandinan grupo Nucleo
y ayudante Hubentud Pa Cristo.

* 1 December 1951 - 24 Februari 2025

* 1 December 1951 - 24 Februari 2025

Na nomber di su
Mayornan:
Saturnino Bareño y Emma Maria Bareño-Croes

Yuinan:
Georgina Frederika M. A. Thurston-Vrieswijk y John Jacob Thurston
Djurre Radboud D. P. Vrieswijk y Sra

Nietonan:
Jo-Annabella Damaris I.D. Vrieswijk
Djurick Phillip J. Vrieswijk

Manera yui:
Geraldine R. van Duinkerken-Carolina y Arie van Duinkerken

Rumannan:
Roland Walter (Roly) Bareño
Ludwina Elvira (Winnie) Bareño-Bareño y Felipe Venancio (Venancio) Bareño
Astrid Ruiz-Bareño y Guillermo Salesiano (Mito) Ruiz
Elisabeth Bareño
Arlene Bareño
Myrtha Bareño
Marcia Diana Bareño

Manera ruman:
Anna Maria Vinck-Bareño y Gilbert Vinck (Curacao)

Subrina y subrinonan:
Brenda Geraldine Croes-Bareño y Bregilio F. (Buchi) Croes
Franklin Nelson (Frank) Ruiz y Sharlyn Olivia J. Ruiz-Tromp
Mirto Mervin Ruiz
Reynald Edwin (Eddy) Ruiz y Gloria Cardona
Glenn Patrick Ruiz y Rose Ruiz-Oliveira
Alvin Ferdinand Ruiz

Manera subrina y subrino:
Gillian Julie A. Vinck
Giovanni Phillip Sizer-Vinck y Andrew Sizer

Sobre subrino y subrina nan:
Ghislaïne Emmelaine Croes y Theric Juan T. Ruiz i yuinan Thericson G-Qion B. Ruiz y
Therilaïne Gilly-Ann Ruiz
Mylene Jocelyn Croes y Jonathan Enrick Tromp y yuinan Mia-Alyseé Jolaine Tromp y
Xaiden Ryder B. Tromp

Dayron Ruiz y D'Quan Ruiz
Glenn Victor, Samira, Lucca Ruiz
Kevin y Kaina Ruiz

Tur su primo y primanan.

Demas famianan:
Bareño, Croes, Thurston, Vrieswijk, Ruiz, Vinck.

Ex Miembronan di Grupo Di Damas Palmita di Oro, Miembronan CMB Gold Club, Ex colleganan di
CMB, Ex miembronan Nos Cu Nos (CMB), Ex Miembronan Grupo Nucleo, Ex Leiders, Verkenkers,
Verkensters, Welpen, Welpies, Bevers di Santanero Group, Ex Leden di Vereniging Arubaanse
Padvindes. Ex Miembronan di Hubentud pa Cristo Piedra Plat.

Amiga y Amigonan, muchu hopi pa menciona.

Nos ta pidi nos sincero disculpa si den nos tristeza nos por a lubida algun famia of conocir.

Acto di condolencia lo tuma lugar dia 5 y 6 di maart 2025 na Olive Tree Piedra Plat di 6or
pa 8or di anochi.

Acto di despedida lo tuma lugar dia 7 Maart 2025 den Kerki Protestant Piedra Plat di 9or
pa 11or di mainta. Sirbishi ta cuminsa 10or di mainta y despues lo sali pa Santana
Protestant na Piedra Plat.

Na lugar di flor lo tin un box disponible pa Donacion Scouting Grupo Santanero
Of por hasi un transfer riba number di cuenta di Grupo Scout Santanero: Arubabank: 6013920190

Disculpa nos, pero prome y despues di entiero nos no ta ricibi bishita di condolencia na cas.

Email pa condolencia: GlendaDBareno@gmail.com

PERSONAL DI CRUZ CORA A BAY YUDA UN MUCHA MUHER DI 19 AÑA CU A BIRA MALO DEN AUTO BANDA DI BANCO DI CARIBE



Diadomingo anochi a drenta informe di cu banda di Banco di Caribe lo tin un mucha muher di 19 aña a bira malo, mesora nan a cuminsa atende mientras despues ambulans a bini tuma over e caso.

Clasificados








SOLODIPUEBLO@GMAIL.COM
CEL. 585 9500



*De Heer is mijn Herder!
‘k heb al wat mij lust :
Hij zal mij geleiden
Naar grazige weiden;
Hij voert mij al zachtken
Ann waatren der rust*





Glenda Diana Bareño
Mama, Welita, Ruman, Tanta, Tante, Akela
* 1 December 1951 – † 24 Februari 2025

Aanteriormente Bagheera & Akela Van Santanero Horde
Fundado di prome Welpies i Bevers na Aruba
Aanteriormente ADC Welpen & Bevers
Anteriormente HKC Welpen & Bevers
Pensionando di CMB
Anteriormente President i co fundado di Nos Cu Nos CMB
Co Fundado di Vakantie Plan CMB
Aanteriormente productor i Editor di Revista Noti Kibrahacha CMB
Fundado i Anteriormente Lider di Grupo di Damas 50+ Palmita di Oro
Anteriormente miembro di comision Pa Nos Grandinan grupo Nucleo
Anteriormente ajudante Hubentud Pa Christo

Na number di su:

Mayoman:
† Saturnino Bareño & † Emma Maria Bareño-Croes

Yuinan:
Georgina Frederika M. A. Thurston-Vrieswijk & John Jacob Thurston
Djurre Radboud D. P. Vrieswijk & Sra.

Nietonan:
Jo-Anabella Damaris I.D. Vrieswijk
Djurick Phillip J. Vrieswijk

Manera yui:
Geraldine Rosaminouska Carolina & Arie van Duinkerken

Rumannan:
† Roland Walter (Roly) Bareño
† Ludwina Elvira (Winnie) Bareño-Bareño & † Felipe Venancio (Venancio) Bareño
† Astrid Ruiz-Bareño & † Guillermo Salesiano (Mito) Ruiz
† Elisabeth Bareño
† Arlene Bareño
Myrtha Bareño
Marcia Diana Bareño

Manera Ruman:
Anna Maria Vinck-Bareño & Gilbert Vinck (Curacao)

Subrina i Subrinonan:
Brenda Geraldine Croes-Bareño & † Bregilio F. (Buchi) Croes
Franklin Nelson (Frank) Ruiz & Sharlyn Olivia J. Ruiz-Tromp
† Mirto Mervin Ruiz
Reynold Edwin (Eddy) Ruiz & Gloria Cardona
Glenn Patrick Ruiz & Rose Ruiz-Oliveira
Alvin Ferdinand Ruiz

Manera Subrina i Subrinan:
Gilian Julie A. Vinck
Giovanni Phillip Sizer-Vinck & Andrew Sizer

Sobre Subrino i Subrinana:
Ghislainne Ennelaine Croes & Theric Juan T. Ruiz i yuinan Thericson G-Qion B. Ruiz & Therilaine Gilly-Ann Ruiz
Mylene Jocelyn Croes & Jonathan Enrick Tromp i yuinan Mia-Alyseé Jolaine Tromp & Xaiden Ryder B. Tromp

Dayron Ruiz & D’Quan Ruiz
Glenn Victor, Samira, Lucca Ruiz
Kevin & Kaina Ruiz

Primo i Primanan

Demas famia
Bareño, Croes, Thurston, Vrieswijk, Ruiz, Vinck.

Ex Miembronan di Grupo Di Damas Palmita di Oro, Miembronan CMB Gold Club, Ex colleganan di CMB, Ex miembronan Nos Cu Nos (CMB), Ex Miembronan Grupo Nucleo, Ex Leiders, Verkenners, Verkensters, Welpen, Welpies, Bevers di Santanero Group, Ex Leden di Vereniging Arubaanse Padvinders. Ex Miembronan di Hubentud pa Cristo Piedra Plat.

Amiga i Amigonan, muchu hopi pa menciona

Nos ta pidi nos sincero disculpa, si pa un motibo of otro nos a keda sin menciona algun persona.

Condolencia lo tuma lugar dia 5 & 6 Maart 2025 di 6 pa 8 pm na Olive Tree Piedra Plat

Despedida i Entiero lo tuma lugar den Kerki Protestant Piedra Plat dia 7 Maart 2025 pa 9am-11am
Sirbishi ta cuninsa 10am i pa despues lo Sali pa Santana Protestant na Piedra Plat

Prome i Despues di Entiero no ta ricibi condolencia na cas.

Na lugar di flor lo tin un box disponible pa Donacion Scouting Grupo Santanero
Of transfer rekening númer Grupo Scout Santanero: Arubabank: 6013920190

Email pa condolencia: GlendaDBareno@gmail.com

SUDOKU

	7		6					
	9		5		3		1	7
				1				
	8						4	3
		2				6		
4	5						7	
				3				
7	4		2		5		6	
					4		2	

	3	8	5	7			9	
	6			1		5		7
	1		3		9		8	
6	9	3		4		7		
2		4			5		6	1
				8			4	9
8			4			9		
3					8	6	7	
5	7		1					4

			8		1			
						4	3	
5								
				7		8		
						1		
	2			3				
6							7	5
		3	4					
			2			6		

FORTALEZA PA FAMILIA

Scirbi pa Pastor Marcel Balootje.

FALTA DI ORACION TA HABRI PORTA PA PICA

Oracion ta lanta nos nivel di inmunidad contra pica, mescos cu remedi, vitamina, bon alimentacion, y drumi suficiente ta defensa di nos curpa contra tur malesa.

Oracion ta nifica comunica nos mes cu Dios constantemente, y asina evita cu maldad y inmoralidad por drenta nos bida.

Ta difcil pa un hende tin un bida immoral, bibando den pica y na mes omento tin un bida constante di oracion. Pasobra oracion ta comunica nos cu Dios y Dios ta cuida nos y aleha nos for di pica.

Pesey e palabra ta bisa cu un hende no por bisa cu e ta stima Dios y e ta odia su ruman.

Otro bon ehempel tambe cu tur hende mester tene cuenta cune ta, cu un hende no por bisa e ta stima Dios y e ta

biba den adulterio, maltrata su esposa y yuinan, uzando droga y alcohol. No ganja bo mes.

Oracion ta limita pica den nos bida, e ta haci nos fuerte spiritualmente, nos lo tin dominio riba e carni, pasobra ora nos tin falta di oracion den nos bida, nos tin falta di presencia di Dios, e ora ey nos carni ta lanta, pasobra nos di interes den cosnan di e mundo ta mas grandi cu nos tin interes den sirbi nos Dios.

Ta esey ta e gran peliger cu ta habri porta pa scuridad den nos bida, pasobra nos adversario e diabel ta cana rond buscando ken e por devora, y caminda tin falta di oracion y un bida sin temor di Dios, eynan e diabel ta pone su campamento.

Awendia bo ta hanja hende cu ta aleha for caminda di

Dios, haci tur locual cu nan kier, pa un temporada, drenta tur sorto di bagamunderia y libertinahe, expone nan curpa na perversidad, sin tene cuenta cu e enemigo ta uzando nan pa provoca tentacion den bida di otro hende.

Pesey ta para scirbi den Mateo 26:41: Keda vigila y haci oracion, pa boso no cay den tentacion, e spiritu ta boluntario, ma e carni ta debil.

Mescos e Palabra di Dios ta muestra nos cu tur luho y detaye den Galationan 5:19-21 cu esnan cu ta participa of practica e obranan di carni lo no hereda e reino di Dios. Pasobra pa falta di conocimiento, temor di Dios,

rebeldia, of rechazo di e palabra di Dios, hende ta haci cosnan cu no ta cumbini.

Na Sero di Oleifi Hesus a bolbe corda Su disipelnan bisando: Haci oracion pa boso no cay den tentacion.

Den e oracion di nos Tata nos ta sinja con a pidi Senjor pa libra nos di tentacion.

Un persona cu ta hiba un bida yena cu falta di pordon, ta un porta habri pa tentacion, ya cu falta di pordon ta distancia nos curason for di Dios. Falta di pordon ta fria hende su oracion na Dios, pasobra orguyo, rabia y odio ta domina.


Lucas 18:1 ta bisa nos: Y ora e tabata conta nan un parabola

pa muestra nan cu nan mester haci oracion tur ora bay y no desmaya, pasobra asina nos lo logra cu Dios ta haci husticia.














Tene cuenta cu oracion, ta poderoso, y cu mundo henter mester di oracion, nos ta bibando den ultimo tempo, y esun cu no ta biba un bida di oracion, lo sinti e falta di oracion den su bida, pasobra oracion ta nos proteccion cu Dios mes ta duna nos, y nos tur sa cu no tin nada mas poderoso cu poder di Dios.

Poderoso ta nos Dios, y grandi den misericordia y berdad, pasobra Dios ta fiel, y semper bondadoso

Sinceramente, Pastor Marcel Balootje.



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Anochi - March 04, 2025

 <p>Sorteo # 4554</p> <p>9278</p> <p>3683</p> <p>7855</p> <p><p>X2</p><p><p>Sorteo # 4554</p><p>3729</p><p><p>Sorteo # 2610</p><p>7377</p><p><p>Sorteo # 4554</p><p>4904</p><p>Libra</p><p><p>Sorteo # 1428</p><p>577</p><p></p></p></p></p></p></p>	 <p>Sorteo #</p> <p>0 x Jackpot</p> <p>0 x Match 4+</p> <p>0 x Match 4</p> <p>0 x Afl. 12,00</p> <p>Joker Letter</p> <p>Proximo Jackpot</p> <p>160.000,-</p>	 <p>Sorteo #</p> <p>0 x Jackpot</p> <p>0 x Match 4</p> <p>0 x Afl. 8,00</p> <p>Proximo Jackpot</p> <p>68.000,-</p>	 <p>Sorteo #</p> <p>0 x Jackpot</p> <p>0 x match 4</p> <p>0 x Afl. 500,00</p> <p>0 x Afl. 50,00</p> <p>0 x Afl. 15,00</p> <p>Mega Ball</p> <p>Proximo Jackpot</p> <p>250.000,-</p>	 <p>Afl. 350.000,-</p>	 <p>Sorteo #</p>	
--	--	--	--	--	---	---



Oracion di dia

Un feliz dia yena di hopi fe y speransa den nos bon Dios

”...sino conta e generacion venidero: esta gloria di Señor, su poder, ye cosnan milagroso c’El a haci.” (Salmo 78, 4bc)
E Evangelio di awe ta cuadra, manera semper, tempo cu ami tabatamucha. Mi mayornan semper tabata educa mi tocante di Dios, CristoHesus y Spirito Santo. Y un Bijbel no tabata haci falta. Haci oracionta cos di tur dia. Y sin falta bishita e cas di Dios.

Awendia nos ta ripara e generacion di awo, no tin mucho balor pa cuDios. Pero anos a sigui conta nos yiunan tocante di Dios manera nosgrandinan a haci? Anos a siña e hubentud tocante e milagronan ysacrificio cu Cristo Hesus a haci? Of di e donnan cu Spirito Santo tinpa nos? Y anos a tene man di nos yiunan, hibando nan, tur siman, pacas di Dios pa scucha su Palabra? Ban sigui cu e bunita custumber cunos grandinan a haci. Ban sigui hiba e futuro generacion ariba ecaminda cu Cristo Hesus a traha pa nos. ”...pa nan tambe confia denSEÑOR, no lubida Dios su obranan grandi...”(Sal 78, 7)
Oracion: Señor mi Dios motiva mi y guia mi, cu yudansa di SpiritoSanto, ariba mi responsabilidad pa conta y educa e generacion nobo di Bo Maraviya.

Y inspira nan pa nan sigui conta na e siguiente generacion.
Amen.